

L I L Y F E H R



BLOOMENGOADEN EN DIEN VESTAUNT

OJESUNDE JEDANKEN UTRODEN



BLOOMENGOADEN EN DIEN VESTAUNT

Negatieve Jedanken bedrekjen ons, bat dän Punkt von Krankheiten und Narfen Trubbel.

Positiewe Jedanken komen von eene enje Jemeenschoft met Gott. Dan woat ons Vestaunt soo aus een Bloomengoaden, wua goode Jedanken blieejen.

2. Korinta 10:5 „Met daut waut Gott ons toom kjamfen reed stalt, moak wie aule Jedanken to nuscht, un aules waut huach un fromm utlat, oba ons hindat, Gott emma bätä kjanen to lieren. Wie nämen aule Jedanken faust, daut dee Christus jehorchen motten.“

Mucht Gott junt säajnen biem waussen un lieren.

- Lily Fehr

BLOOMENGOADEN EN DIEN VESTAUNT

VIDEO 1:

JEIST, SEEL UN KJARPA

A. Gott muak Menschen no Sien Ebenbilt (1 Mose 1:27A) un aus JEIST, SEEL un KJARPA (1 TESSALONICHA 5:23).

1. Mose 1:27A „Un Gott muak Menschen, dee soo wieren aus hee, no sienem Plon...“

1. Tessonichia 5:23 „Mucht Gott selfst, de Frädens Gott, junt derch un derch heiljen, un junen JEIST un SEEL un KJARPA onbeschädicht un rein bewoaren, bat ons Har Jesus Christus wadakjemt.“

1. De JEIST es daut Poat waut met Gott toopjerankt es. Ons Jeist kjennen wie bloos derch Gott Sien Wuat kjanen lieren.

Galata 5:22 „Dän Jeist siene Frucht es Leew, Freid, Fräd, Jedult, Frintlichkheit, gootjesonnen sennen, Gloowen, Jelindichkheit un Selbstbeharschunk.“

2. De SEEL es wää Wie en Werkjlichkheit sent. Onse Jesennunk, Jewessen, Jefeelen, Perseenlichkheit.

3. De KJARPA es waut wie em Spieejel seenen. Em KJARPA es ons Vestaunt.

Daut Vestaunt es dee Städ wua aule Jedanken, Reakzionen un Jefeelen oppbewoat woaren, oba daut Vestaunt entscheit nich waut daut denkjen saul.

De SEEL entscheit waut daut Vestaunt denkjt: Aus de Jedanken dee von däm Jeist Gottes komen ooda waut dee Kjarpa venemt derch seenen, hieren, usw.

B. Daut praktische Biespel von en Bloomengoaden en dien Vestaunt.

1. Daut Vestaunt, em KJARPA, es de fruchtboaschte leed wua Sot von Jedanken utjestreit woat. Bloomensot ooda Onkrutsot (positiwe un negatiwe Jedanken).

2. De SEEL es dee Goadenbesorja, dee aule Entscheidungen traft, waut opp dee fruchtboare leed em Vestaunt jeseit woat.





3. De JEIST es dee waut daut Bloomenstua es, wua aule Sot, Dung, un Jereetschoft om Onkrut to bekjammen, emsonst to holen sent, wäajen Jesus daut aul aules betolt haft.

Johanes 15:5 „Ekj sie de Wienstud, un jie sent de Ranken. Wäa en mie blift un ekj en am, dee brinjt vël Frucht. Onen mie kjenn jie nuscht doonen.“

Hia oppe leed woat de Oabeit en disem Bloomengoaden em Vestaunt niemol opphieren, un sooväl mea aus wie met onse Jedanken em Bloomengoaden en ons Vestaunt schaufen, sooväl leichta es daut, goode Jedanken to haben. Oba em Himmel woaren wie ons aun een volkomna Bloomengoaden von Jedanken erfreien, dee kjeenne Oabeit mea brukt.

Filippa 4:8 „Dan to goodalatst, Breeda: Waut Woarheit es, waut toom achten es, waut jerajcht es, waut rein es, waut leeftolich es, waut eenen gooden Roop haft, waut goode leejenschoften haft, waut to lowen es, doamet jäft junt auf en june Jedanken!“

EKJ MOAKJ MIE:




VIDEO 2:

WOO DAUT VESTAUNT SCHAUFT

A. De fiesische Form von onse Jedanken.

1. Doktasch un Wissenschaftla haben daut Vestaunt met en Scanner studieet un jefungen, daut onse Jedanken em Vestaunt haben eene sechtboare Form. Dise Form es soo aus Rankenbescha. Dise Jedankenbescha sent aula toopjerankt, de goode un uk schljachte Jedanken. De Enhault von dee Jedanken, jeit oba met kjeene Vestaunt Scanners to seenen, bloos de Form em Vestaunt.

Met daut Biespel, von dem Bloomengoaden en dien Vestaunt, sent de goode Jedanken scheene Bloomenplaunten un de schljachte Jedanken soo aus Onkrut, un dee sent aula toopjerankt. De Seel, dee Goadenbesorja, es veauntwuatlich, woone Sot em Vestaunt utjestreit un jefläacht woat: Jeistliche, positiewe Sot ooda negatiwe Sot vom Fleesch dee vonne Welt beenflust woat.



2. En onse Bescha em Vestaunt, saumlen sikj onse Jedanken opp, de Jefeelen un de Reakzionen, aus eene bliewende Erinnerung.

Wäajen onse Woakjen direkjt von onse Jedanken komen, erkjläät sikj daut, wuarom wie soo feelen aus wie feelen un wuarom wie soo jäajenwirkjen aus wie doonen.

Spricha 23: 7 (Jehaun Friesen Äwasatunk)

„Wiels woo he daut denkjt en siene Seel, soo es hee.“

B. Neurochemikalien

1. Gott haft en ons Vestaunt Neurochemikalien nenjebut. Dise Neurochemikalien schaufen soo aus naturale Medizien ooda Droogen, dee ons Vestaunt moakt, toom daut ons Vestaunt un de Kjarpa bäta schaufen.






Ons Vestaunt brukt de Seel, toom jesunde Jedanken denkjen, OBA uk noch de kjarpaliche Flääj: Wota, goodet, jesundet Äten, goode Wietaminen, Fesch un Kokonät Eelj. Bewääjunkt, Ekserseis un Sonn- eschien.

Wan de Seel entscheit goode Jedanken auntorääjen, wan de Kjarpa goot jefläacht woat, feelen wie ons bäta, wääjen onse Neurochemi- kalien kjennen äare Oabeit doonen. Neurochemikalien sent soo aus Dung fa dän Bloomengoaden en ons Vestaunt.

2. Wan de Neurochemikalien buta de Jlikjewicht komen, wääjen wie tooväl Negatiewet jedocht haben, un dän Kjarpa nich de rechtje Flä- aj jekjrääjen haft, dan komen wie rauf, wie woaren sea meed, wie brennen ut, wie schlopen schljacht un wie kjennen en Narfen Trubbel nenfaulen.



EKJ MOAKJ MIE:



VIDEO 3:

DAUT VESTAUNT REINJEN

A. Biblische Aunspornunk ons Vestaunt to reinjen, endäm wie ons Senn wada nie moaken.

1. En Reema 12:2 spornt de Bibel ons aun, dise Oabeit to doonen.

Reema 12:2 „Un stalt junt nich soo han aus dise Welt deit. Jie sellen derch june niee Jesennunk veendat woaren, daut jie weeten kjennen, waut Gott sien Wellen, waut goot, aunjenäm un volkomen es.“

De Kaumf met daut Unkrut fangt aul dän ieeschten Dach aun, waut wie met eenem Bloomengoaden aunfangen. Sooväl ea wie aunfangen dit Onkrut to bekjamfen, sooväl leichta woat daut sennen.

Met ons Vestaunt reinjen, es daut krakjt soo. Sooväl ea wie doamet aunfangen un daut eewen, sooväl leichta woat daut sennen.

2. De Bibel vesechat ons uk, daut wie daut Jereetschoft haben dit to doonen. Een Biespel doavon es en 2 Kornita 10:5.

2. Korinta 10:5 „Met daut waut Gott ons toom kjamfen reed stalt, moak wie aule Jedanken to nuscht, un aules waut huach un fromm utlat, oba ons hindat, Gott emma bäta kjanen to lieren. Wie nämen aule Jedanken faust, daut dee Christus jehorchen motten.“

Onse Seel kaun bloos endren, wan de Seel dän Jeist dän Kron opschrift un Gott Sien Wuat un Siene Woarheit doa rikjlich derch schälen lat, gaunz bat ons Vestaunt. (See de Aufbildunk opp Sied 4.)

Wie motten en onse Seel de Entscheidunk trafen, de negatiwe Jedanken rut to oabeiden. Wan negatiwe Jedanken nich gaunz rutjeoabeit woaren un met positiewe Jedanken ersat, dan woaren de negatiwe Jedanken emma wada trigj komen.

B. Biespels von woo daut Vestaunt to reinjen.

1. Emma Gott bäden, daut de Heilja Jeist ons leiden woat, ons to wiesen, woon negatiwa Jedanken daut ieeschte to reinjen. Wan wie met





aule negatiewe Jedanken toojlikj aufangen, woaren wie onmootich woaren. Eena mott een Jedanken opp eemol reinjen. Krakjt soo aus en eenem Bloomengoaden: Eene Onkrutstud opp eemal weeden.

2. En Sorjen-Kausten (Glaus ooda Dinkj) moaken. Gott de Sorj jäwen, opp en Papia oppjeschräwen ooda jemolt. Nich de Sorj doa sootosa-
jen wada rutnämen, un dan dee em Vestaunt wada dreien loten.
3. En Dank-Kausten (Glaus ooda Dinkj) moaken. De Uasoaken von Dan-
ken uk opp en Papia schriewen ooda molen un Gott dee jäwen. Hia
oba soo un sooväl mol, de Papieren rutnämen, om die to erinren, woo
goot un tru Gott jewast es.
4. Auledach en Papia utfellen met däm negatiewen Jedanken un dan
woo daut jeit to ersaten met een positiewa Jedanken. (Finj daut PDF-
Dokument opp dee latzte Sieden.)
5. Bibelvarschen utwendich lieren un de Biblische Woarheiten perseen-
lich aunwanden.

EKJ MOAKJ MIE:



4. VIDEO:

NIEET LÄWENSSTIEL VON DENKJEN

Danken, Preisen/Lowen un Aunbäden

Dit däächlich aus ons Läuensstiel aunwanden, danken, preisen un aunbäden, brinjt Frucht von Jelotenheit en Gott.

A. De Bediedunk von: danken, preisen/lowen un aunbäden, soo aus dee em Leksjikoon ooda Wieedabuak stonen:

1. Danken: Dank utsprääkjen ooda wiesen.
2. Preisen/Lowen: Gott Siene leejenschoften bejeistat väähäwen. Gott Sien Doonen met aunerkanende Wieed positiew aufschazen.
3. Aunbäden: Gott veieren (vejettren), huachscharzen, aus jetlichem Wäsen aunseenen. Gott leewen.

B. Woo vehelt Gott Sikj wan wie danken, preisen un aunbäden?

Wie hauden jeliheet, daut wie haben uk Reaktionen, ooda woo wie ons vehoolen wan ons waut passieet. Un dise Reaktionen sent en ons Vestaunt enne Form von Rankenstieda oppjesaumelt. Gott haft uk Reaktionen, un dit es waut passieet:

1. Danken: Wan wie Gott danken, kjrieen wie Siene Oppmoakjsomkjeit.

Gott es ons Voda, un wää eene Mutta ooda een Voda es, weet daut wan onse Kjinja bloos emma schlemmen un schlemmen ooda grunsen un grunsen, woat ons äa Grumsaujen sea boolt meed.

Fangen see oba aun to danken fa waut un wiesen äare Dankboakjeit, dan horchen wie plazlich no äant. Gott well, daut wie aul onse Sorjen un Aunjeläagenheiten no Am brinjen, met Dankscheen sajen (Filippa 4:6).

2. Preisen: Gott steit aun onse Sied. Wie feelen Siene Jääjenwuat.

Wan wie Gott preisen, AM sajen daut WIE jäwen AM aule Auner-





janunk fa aules waut HEE jedonen haft un doonen woat, feelen wie Siene Jääjenwuat (Psalm 103).

Danken un preisen sent änlich, oba doch noch veschieden wan wie ons doarenn vetiefen un daut eewen.

- 3. Aunbäden: Gott fangt aun fa ons to schaufen. Gott haundet fa ons. Wääjen wie lajen Aules en SIENE Henj. Met aunbäden, leewen wie Gott (Psalm 95:6).

Aunbäden es von dise Dree daut schwanste to vestonen, oba daut mott bloos jeeeft. Wäärent wie Gott aunerckjanen aus ons Gott, ons AM ganz hanjäwen, HAUNDELT Hee fa ons: WAUT VON VÄARAJCHT.

EKJ MOAKJ MIE:



WEEDEN UN BLOOMENSOT UTSTREIEN



JEFTJA JEDANKEN (ONKRUT)	WEEDEN UN BLOOMENSOT UTSTREIEN	BESCHEKJT
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>

„Met daut waut Gott ons toom kjamfen reed stalt, moak wie aule Jedanken to nuscht, un aules waut huach un fromm utlat, oba ons hindat, Gott emma bäta kjanen to lieren. Wie nämen aule Jedanken faust, daut dee Christus jehorchen motten.“

2. Korinta 10:5

WEEDEN UN BLOOMENSOT UTSTREIEN



JEFTJA JEDANKEN (ONKRUT)	WEEDEN UN BLOOMENSOT UTSTREIEN	BESCHEKJT
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>

„Met daut waut Gott ons toom kjamfen reed stalt, moak wie aule Jedanken to nuscht, un aules waut huach un fromm utlat, oba ons hindat, Gott emma bäta kjanen to lieren. Wie nämen aule Jedanken faust, daut dee Christus jehorchen motten.“

2. Korinta 10:5

WEEDEN UN BLOOMENSOT UTSTREIEN



JEFTJA JEDANKEN (ONKRUT)	WEEDEN UN BLOOMENSOT UTSTREIEN	BESCHEKJT
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>
		<input type="checkbox"/> <input type="checkbox"/> <input type="checkbox"/>

„Met daut waut Gott ons toom kjamfen reed stalt, moak wie aule Jedanken to nuscht, un aules waut huach un fromm utlat, oba ons hindat, Gott emma bäta kjanen to lieren. Wie nämen aule Jedanken faust, daut dee Christus jehorchen motten.“

2. Korinta 10:5



Ekj sie Lily Fehr. Mien Maun Benny un ekj sent 25 Joa jlekjlich befriet, derch Gott Siene Jnod to ons. Wie sent jesäajent worden met twee Säns: De elsta, Dario, es met Julia Rempel befriet un Diego, wont noch tus met ons. Wie läwen un foarmren en Nueva Holanda, enne Oasis Jäajent.

De Heilja Geist haft mie openboat, daut miene Jedanken en mien Vestaunt kaun ekj met miene Seel unja dän Jehuarsom Christi brinjen (no 2 Korinta 10:5). Mien Läwen brukt nich kontrollieet woaren von Sorjen, Angst ooda Narfen Trubbel. Ekj bruck nich en Flekj von Onkrut en mien Vestaunt haben, ekj kaun en Bloomengoaden en mien Vestaunt haben, wan ekj Gott Kontroll jäw. Ekj well dise Openboarunk met die metdeelen, doamet uk du een Bloomengoaden en dien Vestaunt haben kaust.

Gottes Säajen em lieren un waussen!